



MELAETSA E KA SEHLOOHONG YA LEWA LA AFRIKA BORWA LA COVID-19 LE PHEPELO YA ENTE

Phumantsho ya diente tsa COVID-19 e bohlokwahlokwa.

- Afrika Borwa e tla fumana ditekanyetso tsa ente ya COVID-19 tse 1 milione ka Pherekgong le ditekanyetso tse 500 000 ka Hlakola tsa ente ya Oxford University-AstraZeneca e tswang ho Institutjhute ya Serum ya India (SII).
- Re tla qala ka ho enta basebetsi ba bophelo bo botle ba naha ya rona ba ka bang 1.25 milione.
- Mmuso o sebedisana mmoho le Bolaodi ba Taolo ya Dihlahiswa tsa Meriana ya Bophelo bo Botle ba Afrika Borwa (SAHPRA) ho netefatsa hore ha ho tiehiso ho dumelleng tshebediso ya ente.
- Ente ya Oxford University-AstraZeneca e se dumelletswe ke balaodi ba fapaneng ba lefatsheng ka bophara mme e sentse e fepelwa dinaheng tse ding.
- Re boetse re fihleletse tumellano le Setsi sa COVAX ho fumana diente tse tla enta 10% ya batho.
- Ho lebeleletse hore ditekanyetso tsena tsa ente di tla fihla maqalong a kotare ya bobedi ya selemo.
- Re ntse re tswelapele ho sebedisana mmoho le dikhampane tsa meriana tse fapaneng ho netefatsa hore mafellong a 2021 re tlabe re entile batho 67%.

Phepelelo ya ente e tla fepelwa ho ya ka mekgahlelo

- Ha ho so be le tiehiswa ya ka bomo phumantshong ya ente ya COVID-19, ka ha maemo a ditaba a so phethelwe; dintlha tsohle di tlameha ho nahaniswa.
- Re kgetha diente ho ya ka polokeho le tshebetso ya tsona, bobebe ba ho di sebedisa, ho di boloka le ho di tsamaisa, boleng ba phepelelo bo tla nka nako e telele le ditjeo tsa tsona.
- Phepelelo ya rona ya ente e tla fepelwa ka mokgwa wa mekgahlelo e meraro e tla qalang ka batho ba kotsing e kgolokgolo ya ho tshwaetseha ha bobebe.
- Re ikemiseditse ho enta batho ba 67% mafellong a selemo sa 2021, e leng se tla etsang hore re kgone ho fihlella boitshereletso bo boholo ba batho.

- Mokgahlelo wa 1 ho tla entuwa basebetsi ba bophelo bo botle ba ka pelepele.
- Mokgahlelo wa 2 re tla enta basebetsi ba mantlha, batho ba dulang dibakeng tse tletseng baahi ba bangata, batho ba dilemo tse fetang 60 le batjha ba dilemo tse fetang 18 ba nang le mafu a mang.
- Mokgahlelo wa 3 ho tla entuwa batho ba dilemo tse fetang 18, ka maikemisetso a ho enta batho ba 22 500 000.

Mmuso o tla batla, ho fana le ho okamela phepele ya ente.

- Mmuso wa Naha ka ha e le ona feela o ka rekang diente, o tla fepela mmeso ya diprofenseng le lekala la poraefete.
- Re tla reka thepa ya diente ho tswa bahlahising ba fapaneng.
- Ho tla ba le diente tse ngata tse fapaneng ho lenaneo la rona, empa o keke wa entwa ka diente tse pedi tse fapaneng.
- Tsamaiso ya ho enta e tla tsamaiswa ka boingodiso pele ho entwa le ho kenya kopo ya ho enta pele ho nako.
- Bohle ba entilweng ba tla ngodiswa rejisitareng ya naha le ho fumantshwa dikarate tsa ho enta.
- Komiti ya naha ya phepele ya diente e tla okamela ho phethahatswa ha ho entwa ho makaleng a mmuso le a poraefete.

Diente di pholosa maphelo!

- Ho na le bopaki bo bongatangata ba saense bo bontshang hore ho enta ke tshireletso e hlwahlwa kgahlano le ditshwaetso tse mpehadi.
- Diente ha di fane ka tshwaetso ya kokwanahloko, empa di ruta masole a mmele ho tseba ho lwantsha tshwaetso.
- Ente ya *COVID-19* e fa mmele ditaelo tsa ho aha boitshirelotso ba mmele mme ha e fetole disele tsa motho.
- Diente di fokoditse palo ya tshwaetso ya mahloko le ho hlokahala ho bakwang ke mahloko a tshwaetsanang a jwalo ka sekgolopane, pholio, tshwaetso ya sebete ya B, maselese, tshwaetso ya baktheria e bakang mesifa e bohlokohloko, mokgokgothwane le mofuta wa bohloko bo bakang mokedikedi matshwafung lefatsheng ka bophara.
- Ho enta batho ba bangata ho tla thusa ho theha boitshireletso boholong ba batho le ho hatikela bohloko bona.

Diente di fetisitswe tlasa diteko tse hlokolotsi haholo ho netefetsa hore di bolokehile mme di ya sebetsa.

- Diente tsohle di fetiswa tlasa hlahlobo e tebileng ya tsamaiso ya tumello e phethahatswang ke ditheo tsa balaodi ba bongaka ho netefatsa hore di bolokehile.
- Dikhampane tsa meriana di fana ka diphuputso tsa tsona tsohle tsa dilaboratri le diteko tsa polokeho tse netefatsang hore ente e fela e sebetsa.
- Dingongoreho dife kapa dife tsa polokeho di hlwahwa ke ditheo tsa balaodi ha di ntse di hlahlobisa pokello ya dintlha.
- Diente di etseditswe ho boloka maphelo a batho eseng ho hatella, ho loya, ho kenya mademona kapa ho qhekanyetsa mehopolo ya batho.

Ente ya COVID-19 e molemo ho batho.

- Kantoro ya Motshwara Matlotlo ya Naha e itlamme ka ho netefatsa hore matlole ha a tlo setisa phumantsho ya diteko.
- Dikabelo tse totobetseng ka ditekanyetso tsa matlole tse tla reka diteko tsa COVID-19 di tla phatlalatswa ka nako ya Ditekanyetso tsa Naha tsa 2021. Sena ke hodima ditlhophisetso tse seng di entswe selemong sena sa ditjhelete tsa ho reka thepa ya pele ya diteko, tseo di tla lebiswang ho basebetsi ba ka pelepele maqalong a ho entwa.
- Ka kakaretso, matlole a tla tswa ho ditekanyetso tsa tlatsetso, ho kabobotjha ya ditjhelete e bohlokwahlokwa, ho keketso ya lekgetho le ho menyetla e ka bang teng ho tswa bolekaneng le lekaleng la poraefete.
- Mmuso o tekenne boitlamo ba ditjhelete ba diteko tsa nako e tlang tsa 85% tsa ditjeo ka kakaretso, bonyane R2.2 bilione, ho Setsi sa COVAX. Ho ntse ho buisanwa ka ditlhophiso tse ding le dihlopha tse fapaneng tsa bahlahisi ba diteko.
- Letlole la Boitshematlelo le nehetse ka nyehelo e kgolokgolo ho lefela bonyane 15% yaa ditjeo ka kakaretso.

Re sebedisana mmoho ho fumana ente ya COVID-19.

- Mmuso o tla kgona ho reka ente ho tswa mokotleng wa ditjhelete tsa naha.
- Kgwebo le dikemedi tsa diinshoreense tsa ditshebeletso tsa bongaka di hlahisitse tshehetso ya tsona ka maiteko a mmuso mme mmuso o amohetse sena. Tshebedisano mmoho ena e tla tataiswa ka motheo wa boitshematleho ba setjhaba le ho hloka mamello kgahlano le bobodu.

- Lefapha la Bophelo bo botle le tekenne diphetholo tsa melao e tla dumella hore ditelelepele le mekgwa e meng ya phodiso ho ba karolo ya bonyane ba dintho tse lefelwang ke dikemedi tsa diinshoreense tsa ditshebeletso tsa bongaka

Ho fumana lesedi le batsi o ka ya ho <https://sacoronavirus.co.za/category/mac-advisories/>